



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

5. Pontificalia in aliena diœcesi non exerçantur, aut ordinario fiat sub pœna suspensionis ab exercitijs.

urn:nbn:de:hbz:466:1-14108

tionem; credit ergo quòd si constringeretur Episcopus per propriam personam visitationi operam dare absque libertate illam delegandi, non leue onus illi incumberet; fit ergo ex intentione Concilij fauentis Episcopos in hoc decreto, posse ipsos visitationes delegare. In speciali quòd Serenissimus Infans Cardinalis Toletane diocesis Archiepiscopus non teneatur per propriam personam Capitulum Ecclesie Cathedralis visitare, sed id agere possit per Coadministratorem, declarauit Sacra Congreg. Eminentissimorum Cardinalium Concilij

Tridentini interpretum proposito dubio. An coadministrator Serenissimi Cardinalis Infantis Archiepiscopi Toletani possit per se solum visitare Ecclesiam Toletanam, eiusque Capitulum, & personas? Sacra Congregatio Cardinalium Concilij Tridentini, interpretum sapientis auditu paruum Procuratoribus, & Advocatis, reque accurato studio perpena argu- discussa, censuit Coadministratorem posse etiam per se solum Toletanam Ecclesiam, eiusque Capitulum, & personas visita- re. Cosmus Cardin. de Torres, Refert Ioan. Sanci. d. dist. 50. in fine.

Pontificalia in aliena diocesi non exercentur, aut ordinatio fiat sub pena suspensionis ab exercitijs.

C A P V T V.

- 1 Doctores referuntur de materia huius capitis agen-tes.
- 2 Episcopus alienus non potest à Patriarcha induci ad subeunda munera Pontificalia in diocesi alicuius Episcopi suffraganei, nisi de ipsius licentia.
- 3 Archiepiscopo prohibitum est Pontificalia exercere in Ecclesijs suffraganeorum absque licentia Ordinarij.
- 4 Episcopus non potest ordinare in alterius diocesi de licentia Ordinarij personas illi non subiectas, nisi habuerint dimissorias.
- 5 Pontificalia exercens in aliena diocesi de Ordinarij loci expressa licentia potest Ordines conferre etiam suis proprijs diocesanis.
- 6 Episcopus in alterius diocesi de licentia Ordinarij potest tam subditos proprios, quam Episcopi licentiam concedentis ordinare.
- 7 Facultatem habens à Papa promouendi à quocumque, non potest promoueri ab Episcopo in aliena diocesi sine licentia Episcopi illius diocesis.
- 8 Familiares triennales Episcopi an alius de eius licentia ordinare possit.
- 9 Primam clericalem tonsuram suis subditis conferre non potest Episcopus in aliena diocesi absque licentia Ordinarij loci.
- 10 Ordines in loco exempto volens conferre Episcopus alienus, debet habere licentiam superioris loci exempti, & illius Episcopi, intra cuius fines locus exemptus constitutus est.
- 11 Pontificalia exercere non potest Episcopus in loco exempto vocatus ab inferiore Prelato ipsius loci sine licentia Episcopi, intra cuius fines locus exemptus constitutus est.
- 12 Suffraganeus datus Episcopo cum facultate exercendi Pontificalia de eius licentia, non potest illo mortuo ea exercere.
- 13 Confirmationis Sacramentum in alterius diocesi non potest Episcopus suis subditis conferre sine licentia Episcopi in cuius diocesi reperitur.
- 14 Episcopus, qui nullum habet Episcopatum, non potest in Ecclesia sua iurisdictionali Pontificalia exercere.
- 15 Commendatarius Abbatie existentis intra fines alicuius diocesis non potest vocare Episcopum prominuistrando Sacramento Confirmationis suis po- pulis, nisi de consensu & licentia Episcopi in cuius diocesi est Abbatia.
- 16 Episcopus vicinior qua possit in Abbatia nullius diocesis.
- 17 Archiepiscopus non potest vti Cruce, nec Mozetta Legato presente in ciuitate.
- 18 Nuncius non debet exercere Pontificalia in Ecclesia Archiepiscopi sine eius licentia.
- 19 Benedictionem non solemnem, non comprehendit Concil. in hoc cap.
- 20 Episcopus & vicarius extra territorium habent facultatem faciendi actus voluntariae iurisdictionis.
- 21 Excommunicare, & absolueré subditum suum potest Episcopus extra territorium.
- 22 Abbatibus titularibus habentibus iurisdictionem quasi Episcopalem cum vsu mitra non licet illam deferre extra proprias eorum Ecclesias absque speciali Sedis Apost. indultu.
- 23 Baldachinum erigere possunt Episcopi in Ecclesijs Regularium Pontificalia exercentes.
- 24 Abbatibus Cassinen. & Oliuetanis quomodo permittatur vsus Baldachini.
- 25 Episcopo exercenti Pontificalia etiam extra Cathedralē, in ciuitate tamen, tenentur assistere qui solent assistere.
- 26 Canonici & dignitates Cathedralis si adsint, tenentur assistere Episcopo pontificaliter celebranti in Ecclesia collegiata, vel parochiali.
- 27 Vicarius generalis non potest concedere licentiā alteri Episcopo exercendi Pontificalia in sua diocesi.
- 28 Ordinarij nomine venit Episcopus in presenti.
- 29 Episcopi possunt ordinare personas alteri Ordinario subiectas si ab eo literas dimissorias habuerint.
- 30 Episcopus suspenditur à Pontificalibus si ordinauerit in aliena diocesi absque licentia expressa Ordinarij loci, vel cum ea personas non subditas.
- 31 Pontificalium nomine qua veniant.
- 32 Missam cum mitra, & baculo celebrare non potest ab exercitio Pontificalium suspensus.
- 33 Suspenso à Pontificalibus non prohibetur exercitium iurisdictionis Episcopalis.
- 34 Contra malè ordinantes, & malè ordinatos extat constitutio S. D. N.
- 35 Ordinatio Episcopi proprij extra territorium est valida, quamuis pumbilis sit,

N Vlli Episcopo liceat cuiusvis privilegij praxtextu Pontificalia in alterius diocesi exercere, nisi de Ordinarij loci & expressa licentia, & si in personas eidem Ordinario subiectas tantum, si secus factum fuerit, Episcopus ab exercitio Pontificalium, & sic ordinari ab executione Ordinum sint ipso iure suspensi.

Indictio futura Sessionis.

Piacetne vobis proximam futuram Sessionem celebrari die Iouis feria quinta post primam Dominicam subsequens Quadragesimæ, quæ erit dies tertia mensis Martij? *Responderunt, PLACET.*

1. **V** Ide Nauarr. *consil. 69. de sent. excommunic. in antiq. aliàs consil. 12. de clerico excommunic. min. Sayr. in floribus decis. sub illo tit. de sentent. excommunic. decis. 66. Salzed. ad Bernard. in pract. cap. 26. lit. A. in princip. secundum nouiss. impress. Henric. in sum. lib. 11. cap. 3. §. 2. in fine. Guier canon. lib. 1. c. 26. Flamin. Parif. de resignat. benefic. lib. 1. q. 17. not. 17. Marchin. de sacram. Ordin. tract. 1. p. 5. cap. 11. Narbona. l. 59. gloss. 1. num. 2. tit. 2. lib. 2. Rocop. Petr. Gregor. syntegm. iur. lib. 16. cap. 9. num. 3. Anguian. de legibus lib. 2. controuers. 1. num. 71. Alzed. de praxell. Episcop. dignit. p. 2. c. 5. num. 17. Zerol. in praxi Episc. p. 1. verb. Archiepiscopus. num. 2. & p. 2. verb. Episcopus. pag. 45. Petr. de Ledesma in sum. p. 1. tract. de sacramento Ordinis. cap. 8. conclus. 4. dub. 4. Fr. Ludou. Miranda in man. Pralat. tom. 1. q. 38. art. 3. conclus. 1. Piasec. in praxi Episcop. p. 1. cap. 1. num. 36. Cened. ad decretum collect. 52. num. 1. Vgol. de officio Episcopi. cap. 2. §. 2. num. 5. Aloy. Rice. in decis. curia Archiep. Neapolis. p. 2. decis. 188. num. 10. Bonacina de censuris disp. 3. q. 6. puncto 3. num. 17. Armendar. in addit. ad recop. legum Nauarra. lib. 1. tit. 18. l. 7. de Episcopis. num. 68. Bonacina de suspens. in particulari disp. 3. q. 1. punct. 12. num. 1. Campan. in diuersorio iuris canon. rubr. 9. cap. 1. num. 6. metipsum de officio & potestate Episcopi. p. 2. allegat. 6.*
2. Episcopus alienus non potest à Patriarcha induci ad subeunda munera Pontificalia in diocesi alicuius Episcopi suffraganei, nisi de ipsius licentia, vt refert decifum Galet. in margarita casuum conscientia. verb. Episcopus, & Ego ipse d. alleg. 6. num. 14.
3. Pontificalia exercere in Ecclesijs suffragancorum, absque licentia Episcopi ordinarij prohibetur est Archiepiscopo, ita Aldan. in compendio canon. resolut. lib. 1. tit. 8. num. 2. vbi refert decifum à S. Congreg. Episcop. sub die 18. Aprilis 1599.
4. Episcopus in alterius diocesi de licentia Ordinarij loci non potest ordinare personas, quæ non sunt subiectæ illi ordinario, nisi habeant dimissorias generales à suis ordinarijs, ita refert decifum Armendar. d. l. 7. de Episcopis. num. 68.
5. Episcopus exercens Pontificalia in aliena diocesi de Ordinarij loci expressa licentia, potest Ordines conferre etiam suis proprijs diocesanis, non obstantè hoc decreto, ex Aldan. d. tit. 8. num. 3. vbi testatur sic resolutum sub die 6. Iulij 1595. & idem tenet Armendar. d. loco n. 5.
6. Episcopus in alterius diocesi existens potest prævia licentia illius, tam subditos proprios, quam Episcopi licentiam concedere absque incurfu pœnarum ordinarij, ex Aldan. d. loco, vbi refert decifum die 22. Februarij 1630.
7. Facultatem habens à Papa promouendi à quocunq; non potest promoueri ab Episcopo in aliena diocesi sine licentia Episcopi illius diocesis, per cap. 11. s. 7. nisi Episcopus illius diocesis constitueret suum vicarium illum Episcopum externum vt pro se promoueat, sicut non sufficit simplex licentia, sed constitutio in sui locum requiritur, vt probatur ex d. cap. 11. ibi, vel ab eo quod pre eo, &c. ita Aldan. d. tit. 8. num. 5.
8. Familiares triennales Episcopi, in cuius diocesi exercet alius de eius licentia Pontificalia, poterit inuitat us ordinare, si Episcopus qui hanc facultatem exercendi Pontificalia illi dedit, expressè etiam dedit licentiam huic familiari quod possit ordinari ab eo, ac etiam familiarem alterius Episcopi extranei, si expressa adit ipsius licentia, cum talem familiarem Concil. habeat pro subdito illius Episcopi, & sicut Episcopus verè subditum

- suum potest facere ordinari ab alio, sic & istum, refert decifum Aldan. d. loco.
- Episcopus in aliena diocesi non potest conferre primam clericalem Tonfuram suis subditis, absque licentia Ordinarij loci, vt resolut Campan. in diuers. iuris canon. rubr. 6. cap. 1. num. 2. quem refero d. alleg. 6. num. 15. Nicol. Garc. de benefic. p. 1. cap. 5. num. 142. Acuña ad cap. illud. num. 3. dist. 71. Narbona l. 20. gloss. 2. num. 135. tit. 1. lib. 4. Recop. Sanch. in opusculo moralibus. tom. 2. lib. 7. cap. 1. dub. 5. num. 2. Iul. Cæf. Madius de sacris Ordinibus. cap. 2. num. 4. contra Rebuff. in tract. nominat. q. 14. num. 29. & 65. & in praxi benefic. rubr. de Eccles. & à quibus, & quomodo ordinantur. num. 13. Henric. in sum. lib. 3. cap. 6. §. 6. B. macina de Sacrament. disp. 3. q. unica. punct. 2. num. 13. Tolet. lib. 1. sum. cap. 48. num. 6. alijs cap. 49. num. 4. Mollet. d. cap. 2. num. 15. Azor. in sit. moral. p. 2. lib. 3. cap. 48. quest. 5. vers. queres. Villalob. in sum. tom. 1. tract. 8. dist. 7. num. 17. Maurt. Alzedo de præcellentia Episcop. dignit. p. 2. cap. 5. num. 18. Anton. Diana moral. resolut. p. 4. tract. 4. resolut. 143. existimantes id ei licere.
- Et in Ecclesijs Regularium, vel alijs locis suæ diocesis exemptis, aut alterius cum licentia, vt supra, Pontificalia exercens Episcopus, potest solum, thronum, & Baldachinum, conferre, vt per Laurer. de Franchis in controuers. inter Episc. & Regul. pag. 95. in resp. ad 1.
- Episcopus alienus volens conferre Ordines in loco exempto, non solum debet habere licentiam Superioris loci exempti, sed etiam illius Episcopi, intra cuius fines locus exemptus est constitutus, vt refertur decifum Armendar. d. l. 7. de Episcopis. num. 55. Aloyf. Rice. in praxi rerum fori eccles. post. resolut. 495. in notab. de materia Episc. Galet. in margarita casuum conscientia. verb. Episcopus. pag. 100. col. 2. Ego ipse d. alleg. 6. num. 12.
- Non potest enim Episcopus Pontificalia exercere in loco exempto, & iurisdictionis non Episcopi, sed inferioris, vocatus tamen ab ipso inferiore, sine licentia Episcopi, intra cuius diocesis fines esset locus ille, etiam si ille inferior prætenderet ratione exemptionis vocare Episcopum, quem maluerit, ad ministrandum sacramentum Confirmationis, dummodo locus ipsius exempti sit intra fines diocesis alicuius, ita vt non sit nullius, quia tunc posset, vt testatur resolutum Armendar. d. l. 7. nu. 68.
- Suffraganeus datus Episcopo Vilen. cum facultate exercendi Pontificalia officia in diocesi, & ciuitate Vilen. de expresso contentu, & licentia moderni, & pro tempore existentis Episcopi, non potest eadem Pontificalia exercere, vt exercuit viuente Episcopo, post illius mortem Sede vacante, Capitulo non contradicente, ita Aldan. d. tit. 8. num. 9. vbi refert decifum in Vilen. 22. Februarij 1631.
- Confirmationis sacramentum in alterius diocesi non potest Episcopus suis subditis conferre sine licentia Episcopi, in cuius diocesi reperitur, ita testatur decifum Armendar. d. l. 7. de Episcopis. num. 68. quem refero de officio & potest. Episcopi p. 2. alleg. 30. num. 15.
- Episcopus, qui nullum habet Episcopatum, non potest in Ecclesia sua iurisdictionali, veluti si esset Prepositus, Christina conferre, nec alia Pontificalia exercere, nisi de expressa licentia Episcopi, intra cuius diocesis fines præpositura existit, ita refert decifum Aldan. d. tit. 8. num. 10.
- Commendatarius Abbatie existentis intra fines alicuius diocesis, etiam exemptæ, & habentis iura quasi Episcopalia, non potest vocare quem maluerit Episcopum

- pam promittendo sacramento Confirmationis suis populis, nisi de consensu, & licentia Episcopi, in cuius diocesi est Abbatia, ita refert decifum in *una Veronen. Aldan. d. tit. 8. num. 11.*
16. Abbatia aliqua si nullius dioceseos existat, non potest Episcopus vicinior ibi conferre Sacramentum Confirmationis, & exercere Pontificalia absque Abbatis expressa licentia, sed est in facultate ipsius Abbatis convocare quem maluerit catholicum Antistitem, salvo tamen maiori iure Episcopi vicinioris, si aliunde id sibi competat. Verum potest Episcopus vicinior visitare beneficia secularia, & clericos seculares dictae Abbatiae, illosque repertos culpabiles corrigere. Et Episcopus vicinior dicitur ille, cuius cathedralis Ecclesia sit Abbatiae proximior, non autem locis dictae Abbatiae subiectis, sic refert decifum Aldan. *citato loco.*
17. Archiepiscopus non potest vti Cruce, nec Mozzetta Legato praesente in ciuitate, ex Aldan. *d. tit. 8. num. 12.* vbi testatur sic resolutum die 2. Octobris 1601. Et non potest Pontificalia exercere in Ecclesijs suffraganeorum, absque licentia Episcopi ordinarij, ex eod. Aldan. *tit. 8. num. 26.* vbi dicit sic fuisse decifum a *S. Congreg. Episcopi sub die 18. Aprilis 1599.*
18. Pontificalia in Ecclesia Archiepiscopi absque eius licentia non debet exercere Nuncius, ex Aldan. *d. tit. 8. num. 14.* vbi ait ita decifum in *S. Congreg. Rit. sub die 9. Martij 1593.*
19. Benedictionem non solemnem non comprehendit Concil. in *hoc cap.* ex Aldan. *d. tit. 8. num. 15.* vbi refert sic resolutum sub die 13. Aprilis 1630.
20. Episcopus & Vicarius extra territorium habent facultatem faciendi actus voluntariae iurisdictionis, vt resoluunt Vgolin. *de officio Episcopi. c. 2. §. 1. q. 1. m. 4. Card. Tusch. lit. 1. concl. 546. Steph. Gratian. discip. forens. cap. 1. 27. a principio. & num. 6.* tenet quod possunt concedere dimissorias in aliena diocesi.
21. Hinc etiam Episcopus extra territorium potest excommunicare, & absolueret subditum suum secundum Gonzal. *ad regul. 8. Cancell. gloss. 62. num. 12.* vbi *num. 11.* subdit posse Episcopum extra suam diocesim iurisdictionem contentiosam exercere, quando causa cognitio non vertitur, & effectus confertur in suam diocesim, de quo etiam Steph. Gratian. *d. c. 127. au. 8.* vel quando Episcopus diocesis permetteret, modo litigantes in id consentiant, vt post alios resolut Vgolin. *d. §. 1. q. 1. m. 4. vers. secundo excipitur, quem refero ego ipse d. alleg. 6. num. 18.*
22. Abbatibus titularibus habentibus iurisdictionem quasi Episcopalem cum vtu mitrae, & baculi, non licet deferre mitram extra proprias eorum Ecclesias per dioceses Ordinarioru absque speciali indultu Sedis Apost. nec sine, nec cum licentia Ordinariorum, ex Aldan. *d. tit. 8. num. 15.* vbi refert decifum sub die 2. Augusti 1631.
23. Episcopi in Ecclesijs Regularium Pontificalia exercentes possunt ibi Baldachinum erigere, ex Aldan. *d. tit. 8. num. 16.* vbi attestatur resolutum in *S. Congr. Episcop. sub die 10. Julij 1603.*
24. Baldachini vsus permittitur Abbatibus Congregationis Cassinen. in tribus ad summum festiuitatibus anni, quibus solemniter celebrant iuxta consuetudinem modeste, sine pompa, & auro, Urbanus VIII. *constit. 101. incip. Exponi, 11. Julij 1629.* & Abbatibus Oliuetanis, *constit. 97. incip. Exponi, 4. Aprilis 1629.*
25. Episcopo exercenti Pontificalia etiam extra Cathedrali Ecclesiam, in ciuitate tamen, & non in diocesi, tenentur assistere, & inferuire, qui solent assistere, & inferuire exercenti Pontificalia in Cathedrali, ita refert decifum Galet. in *margar. casuum conscientia. verb. Canonici, pen. Scip. de Rubcis in aphor. Episcop. verb. assistentia, num. 2.*
26. Episcopo pontificaliter celebranti etiam in Ecclesia collegiata, vel parochiali, assistere debent dignitates, & Canonici Cathedralis si adsint, non autem Canonici Collegiata, vel Presbyteri parochialis, etiamsi numerus alioquin sufficiens sit Presbyterorum, ex Aldan. *d. tit. 8. num. 15.* vbi refert ita resolutum in *S. Congreg. Rituum in Calaguriana 1. Julij 1601 & in Bononien. 20. Aprilis 1602. & in Brunanifina 15. Julij 1617. & in Iseruien. 2. Augusti 1631.* refero ego ipse de Canonici *cap. 33. num. 11.*
- a. Nulli Episcopo.] Vel etiam Archiepiscopo, vt cum gloss. in *cap. 2. de offic. ordin. lib. 6. tradit Couarr. pract. cap. 9. num. 2. & melius Zerol. d. verb. Archiepiscopus, vers. ad secundum, vbi respondet ad text. in cap. 1. de auctor. & vsu pallij, cum similibus.*
- Vicarium generalem non posse concedere licentiam alteri Episcopo exercendi Pontificalia in su a diocesi, testatur resolutum Sbroz. in *addit. ad suum tract. de vicario Episcopi, lib. 2. quest. 7.*
- b. Nisi de Ordinarij, &c.] Episcopi scilicet, in cuius diocesi locus est constitutus, & non de Praelato inferiori, etiam exempto, vt per Galet. in *margarita casuum conscientia. verb. verba 1.*
- γ. Expressa licentia.] Ergo non sufficit tacita, vt per Narbon. *l. 59. gloss. 1. num. 22. tit. 4. lib. 2. Recop. D. Felician. de Vega Archiepisc. Mexican in relect. ad cap. significasti, num. 22. de foro compet.*
- δ. In personat eodem Ordinario subiectas tantum.] Vel alijs Ordinarijs, si ab eis literas dimissorias habuerint, vt per Fr. Emman. in *sum. part. 2. cap. 14. num. 7. concl. 7.* Ludouic. Miranda in *man. Pralat. tom. 1. quest. 38. art. 3. in concl.*
- ε. Ab exercitio Pontificalium, &c.] Episcopus ordinans in aliena diocesi absque licentia expressa Ordinarij loci, aut ordinans de licentia Episcopi personas non subditas, suspenditur a Pontificalibus, vt resoluunt Henric. in *sum. lib. 3. cap. 38. §. 1. vers. 1. Campan. in diuersis Canon. rubr. 6. c. 1. n. 2. & rubr. 9. cap. 4. Thom. Valase. allegat. inuris tom. 1. allegat. 2. num. 18. Bonacina d. g. 6. puncto 5. num. 21. quos refero d. alleg. 6. num. 4.*
- Pontificalium nomine quae veniant, colligitur ex gloss. *verb. a Pontificalibus, in Extrauag. suscepti regimini, de elect. Mar. Alter. de censur. disp. 16. c. 3. vers. quare aliquis, inempto de officio, & potest. Episcopi, part. 3. alleg. 111. num. 33.*
- Mitrae sacrificium cum mitra & baculo celebrare non potest ab exercitio Pontificalium suspensus, secundum Aloyf. Rice. in *praxi rerum fore eccles. 467. in 1. edit. alias resol. 440. in 2. edit. Nec calices, & corporalia etiam inaduenienter benedicere, vt per Zerol. in *praxi Episc. p. 2. verb. Episcopi, vers. secundo, Franc. Leo in thesauro fore eccles. p. 3. c. 8. num. 15. quos refero d. alleg. 6. num. 8. vbi num. 19. resoluo, an suspensus a Pontificalibus in illis celebrando fiat irregularis.**
- Vtrum autem sub hac suspensione prohibeatur exercitium iurisdictionis Episcopalis? Negatiue respondet Vgolin. *de censur. tab. 4. cap. 6. §. 6. num. 5. Aloyf. Rice. d. resol. 440. num. 3.*
- Et sic ordinati ab executione Ordinum, &c.] Proceedit ex eo quod etsi fortassis in ipso ordinato non adfuerit aliqua culpa, attamen quia ob ipsam ordinationem, Episcopus, qui confert Ordinem, ipso facto incurrit Pontificalium suspensionem, inde est quod etiam eadem suspensio respectu Ordinis suscepti ad ipsum ordinatum protrahatur, vt post Mari. Alter. tenet D. Felician. de Vega *ad cap. etsi clerici, §. si vero, num. 34. de iudic. Contra male ordinantes, & male ordinatos extat constitutio S. D. N. Urbani VIII. incip. Secretis, sub dat. 11. Decembris 1624. vbi innouantur constitutiones aliae super hac re editae, videlicet Clementis I V. & Pij II.*
- Et quamuis ordinatio proprii Episcopi extra territorium puniri possit, est tamen valida, vt resoluunt Henric. in *sum. lib. 11. c. 3. §. 2. in fine, lib. 5. Vgolin. de potest. Episc. c. 4. §. 14. num. 2. quos refero d. alleg. 6. num. 11.*